

## **Gogo - Agape Mandiko Gono Gelile - God's Love Letter Scriptures**

**Yohana 15:9 Ane nimwendilenyi anye, nha vyono Baba yanyenda ane.**

**Mwikalaje mu wendo wangu.**

**Isaya 43:1,2 - WaEfeso 2:10 Ase cili viwumbwa vyo Mulungu, na mu wilunze hamonga na Kilisito Yesu, yaciwumba ho cikale mu mikalile yo kwituma ziswanu, zono yaciwikaniziza cizitume.**

**Yelemiya 1:5 - WaGalatiya 1:15 Ninga u Mulungu, so lihewa lyakwe, yali yakondya kuhagula Iono nali nghali hamba si nalelwa, nayo yakawa kunyhema ho nimwitumamile.**

**Yohana 15:16 Anye si mwanyihaga ane, langa ane yo namwihajenyi nyenye, kanyhi nghawa kumuwagulenyi ho mubite mukalele mikalo, i mikalo yono yikalaga, nayo Baba ho yasume kumupelenyi co cose cono mukumulomba mwitagwa lyangu.**

**3 Yohana 1:2 Go mwendece, nghulomba wumote muli zose, kanyhi nghulomba weze wuli muswanu telele mu muwili, nha vyono winha mu nhumbula.**

**Isaya 43:4 - 1 Petelo 2:9,10 Ninga anye muli ndelwa hagulwa, iwakohani wo Mutemi, inghungugo yono yelile, i wanhu wo Mulungu mweneco, mono muhaguywe ho mwanze ze metumo mawaha go Mulungu mono yamucemenyi kulawa ku wutitu, yakamwinjizenyi mu wuzelu wakwe wo kwizina. 10 Mu mapango ganji, anye mwali si muli wanhu wo Mulungu, ninga'lu anye mweza muli wanhu wakwe, kanyhi mwali si muwoneywe lusungu lo Mulungu, alu ninga mwawonelwa lusungu.**

**Yelemiya 31:3 - WaEfeso 1:4 U Mulungu yacihagula Iono yinze yali yikali si nawumbwa, ho ciwe cili wakwe mu wilunza na Kilisito, ho ciwe celile mono cisina hamba yilema hali mwene, ku soko yo wendo wakwe.**

**2 Timoteyo 1:9 Mwene yacikomboza, kanyhi yakacicema ciwe wanhu wakwe mweneco, si ku soko vyono cinojeye so metumo getu, aa, ng'o, ninga ku so wuhile wakwe mweneco, na so lihewa lyakwe. Nayo yakacipela i lihewa lilyo ku soko ya Kilisito Yesu, Iono viro vyali vikali si vinawa.**

**Yohana 3:16 Ku soko u Mulungu yayenda yinze nha vivi, sunga yakamulavya Mwanagwe we ciwene, na muli wose mono yakumwihuila, yalece kwajilila, langa yawe no wumi we cibitilila.**

**Hoseya 11:8; Isaya 49:15,16; & Isaya 41:13,14**

**Luka 12:32 “Mulece kogopa anye mo cipuga cidodo, hambi Sogo yenu nha yendile kumupelenyi wutemi.**

**Matayo 28:20 Kanyhi, muwejizaje, webate i malajilizo gose gono namupelenyi. Nane nili hamonga nanye viro vyose, heya, sunga ko ku ndumilizo ye viro.”**

**Yohana 14:1 Yesu yakawalonjela, yakatya, “Mulece kugazika mu zinhumbula zenyu, Mumwihuwiye Mulungu, ale munyihuwile na nene.**

**Zabuli 23:1 - Yohana 10:11 Ane yo nene mudimi muswanu. U mudimi muswanu, kawusuzaga u wumi wakwe ku soko ye zingholo zakwe.**

**Zabuli 23:2 - Wugubule 7:17 hambi u Mwana we ngholo mono yali haciligati ye ligoda lyo wutemi, nha yo kolowa yo mudimi wawo, nayo kowatonga sunga ko ku mivwilo ye malenga go wumi. No Mulungu kogapatila lukulu mahozi gose ga mu meso gawo.”**

**Zabuli 23:3,4 - Luka 1:79 no kuwamulicila wono wekaye mu citi ce lifwa. No kuyitonga migulu yetu mu nzila yo mulamu.”**

**Zabuli 23:5,6 - 2 WaKolinto 1:10 U Mwene yaciponya mu mbali mbaha ye lifwa, kanyhi yakali yakujendeleta kuciponya, nase cimuwiciye u witumbilo wetu du, nha vyono kajendeleлага kanyhi kuciponya, nha vyono mukucitaza so wulombe wenyu.**

**WaFilipi 4:7 No mulamu wo Mulungu wono wucizize u wumanye wose we wanhu, womukamisenyi zinhumbula ne mahala genyu mu wilunza na Kilisito Yesu.**

**Wihwanicizo 3:24 & Zabuli 4:8 - Yohana 14:27 “Mulamu nghumulecelenyi, mulamu wangu nghumupelenyi, si nghumupelenyi anye kotya nha vyono yinze yilavyaga. Mulece kugazika mu nhumbula, hamba mulece kwihwelela.**

**Zabuli 33:18 - 1 Petelo 3:12 Hambi Muwaha nha kawalangaga viswanu i wanhu we ling'ani no kuwuhuliciza u wulombe wawo. Ninga Mulungu kawatumbilaga mugongo iwetuma zimbi.”**

**WaLumi 5:2 So wihuwiyo wetu, mwene yakacileta no kucinjiza mwi'hewa lyo Mulungu, mono alu mo cikuwumipila. Holeka cikwilumbila u witumbilo wono cina nawo, wo kuhanga mu lukumyo lo Mulungu.**

**Isaya 55:12 - Luka 19:40 U mwene yakawapitula, yakatya, “Nghumulonjelenyi anye vyono, hono wawa wanyamale, mabwe gago gozoza.”**

**Yohana 16:22 Anye nanye mu cidaha cici, mwina wukalale, ninga nolomuwonenyi kanyhi, ne zinhumbula zenyu zolosecelela, ne nyemo**

**yenu, hasina mono yakumuwusizenyi.**

**Luka 12:9 Ninga mono yakunghanila hali wanhu, nayo kolokanilwa hali  
Wamalayika wo Mulungu.**

**Matayo 10:30 Ninga kulubavu Iwenyu, sunga ne zimvili za mu mitwe yenu  
mbalwe zose.**

**Isaya 54:10 - Matayo 24:35 U wulanga ne yinze, heya vyopuluta, ninga i  
zinghani zangu, si zolopulutila lukulu.”**

**Matayo 11:28-30 Ale, muze kuli'ne anye wose mono mukugazika, na mono  
muvunice ne mitegulo yenu, nane nomucehezenyi. 29 Mwiwicilaje u  
lubano Iwangu, mwiyijize kuli'ne, hambi ane nha nili mupolo, kanyhi nili  
mwinenenyhezi mu nhumbula, nanye motuga wutuzwe mu zinhumbula  
zenyu. 30 Hambi u lubano Iono nghumupelenyi ane, nha lupelu, hamba no  
mutegulo wangu si muzito yaye.”**

**Solomona 2:10 & Hoseya 2:14,19,20**

**2 WaKolinto 11:2 Ane nha nghumuwonelenyi vivu, ninga vivu wa kuli  
Mulungu, hambi anye nha mwiwanile u muhinza musindile mono  
nimubaniye u mulume monga du, nayo yo Kilisito.**

**Exodus 3:14 - WaHebelaniya 13:8 Yesu Kilisito yo yuyo du igolo ne zuwali,  
na ku cibitilila.**

**Hoseya 13:4 - Watumwa 4:12 “Hamba hasina mhoneko muli yunji wo wose,  
hamba yitagwa linji nha hasina hono hasi yo wulanga, lyono wapegwa  
wanhu, lyono linojeye ciliponele.”**

**Yohana 15:14 Anye muli wendece wangu, hono muzitume zono  
nghumulajilizenyi.**

**Yohana 14:6 Yesu yakamutya, “Ane nha yo nene nzila, ne mbeka, no wumi.  
Hasina mono kosuma kubita kuli Baba, langa sunga yakolele muli nene.**

**Wugubule 3:20 Wuhulicize ta! Ane nimile ha mulango, nghukong'onha.  
Munhu hono yalihulice lizi lyangu, no kudigulo mulango, ane nokwinjila  
mumo mu nyumba yakwe, nane nolizana nayo zindigwa, nayo kolya  
hamonga nane.**